



# Ra Aen Dieg Hawj Sim Yietnaiq

□ Cinz Lisinh / 覃丽新

Daj iq gou couh geiqmaenh gij vah bohme: Cijmiz doegsaw, gyaез doegsaw, cijndaej daj ndaw mbanj byaij okbae, gaijbienq aen minghyinh vunzguhnaз—Naj coh namhhenj laeng coh mbwn, guh dai guh lix mbouj gaeuq gwn. Gou hix geiqmaenh coenz vah lauxsae: Ndaw saw gag miz ranz gim, ndaw saw gag miz naj lumj nyawh. Ndigah gou daj nyinh cih couh geqnaeuz swhegeij aeu gyaез doegsaw, bik swhegeij aeu lai doegsaw. Menhmenh majhung, gou doegsaw yied daeuj yied lai, miz sanjvwnz, miz sawcuenh…… Gou ciemhciemh daj ndaw saw ra raen sim' angq, gip ndaej soengswt, hawj aen sim nyaengqnyat naiqnetnet gou ra ndaej aen dieg daeuj yietnaiq yietbaeg.

Miz baez ndeu doeg daengz saw Sanhmauz, gou lumz gwn lumz ninz, ngoenzngoenz ciq bonj saw Sanhmauz ma doeg. Gij ci hix bit bit Sanhmauz hawj gou sim feififi, hoenz mbinfafa. Coenz vah: “Boux vunz ceiqliu aeu miz aen loqsiengj ndeu, miz aen lijyouz ndeu bae giengiengz. Langh ndaw sim mbouj miz gizdieg yietnaiq, bae daengz gizlawz cungj dwg louzlangh.” Coenz vah neix hawj gou hai da nam, laep da niemh, hwnz siengj ngoenz niemh le haujlai nanz.

Baez yaepda, 8 nyied youh yaek byaij daengz byai. Gyaеизndat gvaqbae, aen yozgiz moq couh daeuj daengz lo. Siengj mbouj daengz youq yozgiz moq yaek haihag, gou youh ra ndaej aen dieg wng hawj aen sim yietnaiq. 8 nyied 28 hauh, hagdangz cujciз gyoengq lauxsae youq aen ranzveiyi hwnjdangz beizyin cwngci yozsiz.

Yaeb lwgfwngz suenqsuenq, gou dang lauxsae ndaej ngeihcib lai bi lo, gak cungj beizyin moix aen yozgiz cungj mbouj noix, gak cungj gyangico moix bi hix dingq gvaq haujlai, hoeng moix baez beizyin gvaq le, gij neiyungz beizyin cungj dwg “raemx gvaq laeng bit”, didi riz bae cungj mbouj louz miz. Doengh gij yaenqsiengq conghyah louz youq ndaw sim gou cungj dwg aen yiengh ndeu: Naengh dwk hwet daengj mbaq bingz, song da yawj dwk gij ci hix gwnz PPT, ciuq saw nam ging, ciuq ci hix ra gaen ra gawq, hai bak haep bak caenh dwg gij vah conhyez hawj vunz dingq mbouj rox, naemj mbouj doeng, coenz lijhun ciep coenz lijhun nam roengzbae…… Dingq mbouj daengz cib faen cung, vunz couh

lumj dingq go coi ninz nei, ciemhciemh raurumz raninz, gyaеиз ngunh da sej. Gyangico sat le hix mbouj geiq ndaej geijlai coenz dwg conghyah naeuz, geijlai gawq dwg conghyah gangj, roengzdangz le hix couh dwg “vunz bae riz mbouj louz lo”.

Dingqnaeuz baez gyangico neix dwg boux yaucangj mizmingz Laizbinh—Vangz Vaizfangh daeuj hwnjdangz. Vangz yaucangj dwg yaucangj Laizbinh Si Daihroek Cunghyoз. Geiq ndaej haet beizyin haenx, dou ciuqseiz daengz ranzveiyi gyobcomz. Gou haeujsim miz boux najseng ndangdaenj cingcaez ndeu soengz youq bakdou ranzveiyi, naj riunyumnyum dwk coh dou ngaek gyaеиз. Hwnjdangz le gou cij rox boux najseng neix couh dwg Vangz yaucangj. Neix dwg gou baez daih' it raen Vangz yaucangj. Vangz yaucangj youq gwnz daiz najriu unqswnh, singriu sangjswt, gou nyinhnaeuz baez neix wngdang dwg baez gyangico hawj vunz gangj hwnjdaеиз yinxsubsub gig miz feih ndeu.

Aen gyangico Vangz yaucangj, gungh miz 117 mbaw PPT, ci hix doz anbaiz habdangq, yienznaeuz mbouj suenq gyaеизdei, hoeng miz cwngzsw, neiyungz baez yawj couh rox. Seiz hwnjdangz, de mbouj dwg ciuq saw nam ging, moix gangj daengz aen gvanhdenj, de cungj daj ndaw ndwenngoenz, gwnz ginglig caeuq gij ginghyen swhegeij bae ra saehlaeh, gangj ging raih leix, sengdoengh mizyinx. Vangz yaucangj dwg son suyoз, de ceiqliu maij yungh laeh daeuj cungjgez gviloih, de nyinhnaeuz moix gienh saeh cungj ra ndaej ok gvildw daeuj gangjgaij, haujlai coenz cezlij seiqvunz de cungj swnhfwngz dawz daeuj, coenz vah bingzbingz ciengzciengz, daj aen bak de baez gangjgaij, gyoengqdou naengh baihlaj cungj caemh sing: “O! O! Wn! Wn! A! A……” Hemq dwk han naeuz. Dou dingq ndaej rwz bi, han ndaej sing coiqliu, riu ndaej sing gienj, haujlai vah bingzciengz lumjnaeuz ngoenzneix caengj roxyiuj.

Vangz yaucangj haujlai baez cungj gangj daengz de dwg daeglwg vunzguhnaз, ndigah de gangjriu naeuz de dwg vunz doj vah hix doj, coenzcoenz miz feihdauh lajmbanj. De cungjdwg yungh gij saeh dangdieg daeuj gangj dauhleix labcab, caemhcaiqliu de bak youz bak vad, gij

sing de youh gag daiqliu youhmwz, hawj dou nanz mbouj nanz youh riu dwk got dungx raemxda lae. Sing hung riu gvaq, gij gvanhdenj haenx couh lumj rumzcin raeuяub ci haeuj ndaw sim dou. Mbouj yungh geijlai nanz, gij gvanhdenj Vangz yaucangj itdingh vaq haeuj sim bae, vaq baenz hengzdoengh dou.

Dingq dwk gij sing unqswnh Vangz yaucangj, yawj dwk aen yiengh hozunq Vangz yaucangj, hawj vunz nyienh caenneb, de youq gwnz daiz seiz naengh seiz soengz, seiz riu seiz dingj gemj…… De gangjbyatbyat, unqnemnem, duek dwk sim gou mbinfefe: Seizneix Vangz yaucangj couh baenz aen daengdap banhaemh, de ndongqsagsag, ciuq rongh diuz loh ngutngeuj gumzgamx sonhag gou; de couh baenz aen doxgaiqliu gag rox fat rongh ndeu, gij rongh de lwengqda raeuяub, hawj aen sim gou ronghsagsag, soengsatsat…… Aen gyangico neix song aen cungdaеиз, lumj ngamq yaepyet couh sat lo, mbouj miz gij vah gikdoengh, ci hix yungh gij vah bingzbingz ciengzciengz gangjmbetmbet, couh hawj dou lumj raq rumzcin, daengx ndang soengswt seuqcingh, gagsaenq goksatsat.

Vangz yaucangj gangj: “Dang lauxsae aeu miz yiedcingz, ngoenzngoenz cingsaenz cibcuk……” “Langh bouxde doiqliu aen gwnzbiengz yienh ok sam yiengh ‘yiedcingz、soengyungz、caensienh(caengcingz caeuq simsienh)’, mboujlwnh de youq gizlawz, de cungj dwg boux ceiqliu souh vunz angqcoux.” “Boux vunz maenhndeи biетdingh aeu miz ‘sam yied’ —Yiedsim! Yiedlwed (lwedndat)! Yiedcingz!” “Seiqvunz, fuengyiengq deng lo, muzbyauh cinj lo, sinhdei cingq lo, yienghyiengh cungj swnh lo……” Dingq le gyangico Vangz yaucangj, gou mingzbeг aen leixniemh ndeu: Sim aeu cingq, doiqliu ndwenngoenz aeu yiedcingz, doiqliu bouxwnq aeu yiedcingz, doiqliu hong swhegeij engq aeu yiedcingz.

Geiq ndaej miz boux daihsae cezyoз ndeu gangj gvaq: “Sengmingh bonjfaenh couh dwg mbaw ceiqliu hoengqhanghang ndeu, caih mwngz youq baihgwnz baenzlawz veh baenzlawz sij, mwngz simnyap couh veh simnyap hwnjbae, mwngz sim' angq couh sij sim' angq hwnjbae, mwngz vuenyungz couh veh vuenyungz hwnjbae……” Gizsaed, simnyap cungj

mbouj dang ngoenzngoenz miz, vuenyungz hix mbouj dwg cungj mbouj youq henz ndang. Couh lumj faenh hong son' gyaуq, raeuz gaej doengh mbouj doengh couh yawj hong baenz gienh saeh simnyap ndaw ndwenngoenz, langh mwngz yungz hong haeuj ndaw saedceij, yungz haeuj aen sim, dangq de baenz gienh saeh simangq ndeu, yienghhaenx raeuz couh biетdingh simgam cingznyiенh bae okrengz, ci hix ndaej yungh aen sim cang rim yiedcingz bae gamjsouh gij ndwenngoenz lai saek. Dozwj Swhdai gangj gvaq: “Bouxvunz de langh mbouj miz yiedcingz, de couh guh mbouj baenz saek gienh saeh. Aen giekdaj yiedcingz couh dwg miz cwzyinsinh.” Doiqliu hong fucwz, doiqliu ndwenngoenz fucwz, doiqliu moix boux vunz henz ndang fucwz. Bouxvunz doiqliu ndwenngoenz yiedcingz, itdingh dwg bouxvunz gig miz cwzyinsinh, hix itdingh dwg bouxvunz gig miz rengzcingq.

Caeklaiqliu boux yaucangj dou lumj yiengh Vangz Vaizfangh yaucangj, miz yiedcingz, miz rengzcingq, miz cwzyinsinh. Gyoengqde yungh cwzyinsinh naekgywg caeuq cwzyinganj sangngau yingjyangj gyoengqdou, hawj dou hix gaen dwk doxhwnj bienq sang, doxbae bienq raez.

Canghcezyoз Dwzgoз Yajswh Beiwjswh gangj gvaq: “Bonjciз songyauq couh dwg go faex ndeu ngauз doengh lingh go faex, duj fwj ndeu doidoengh lingh duj fwj, aen hoenzvunz ndeu heuhsingj lingh aen hoenzvunz.” Gij gyaуyuz Hinghbinh Gih raeuz miz gyoengq bouxdaеиз sonhag rengz rimbywd, gyoengqde yungh daidoх cingqsoh seiqvunz diemj rongh gij yiedcingz gyoengqdou, heuhsingj gagsaenq ndaw sim gyoengqdou: “Gou naengz guh, gou naengz bae, gou naengz rap, gou caen dwg naengz guh, lij caen dwg naengz guh ndaej gig ndei!”

Baez gyangico neix, singriu mbouj duenh; baez gyangico neix, miz yinxdaеиз raixcaix; baez gyangico neix, sengdoengh mizyinx; baez gyangico neix, gyoengq lauxsae cungj iet hoz raezramram, ngeng ndang daengx da dingq ngaеизngwd; baez gyangico neix, hawj aen sim gou ra ndaej aen dieg daeuj yiet soengswt. Baez gyangico neix sat, gou caegcaeg roengz gietsim: Daj neix roengzbae, aen sim sonhag gou mbouj caiqliu louzlangh!